

# ASHINETERO AYOTANE, AYOTAKOTAKERORIKA KAMETSA JAOKA OKANTAKOTA



## Ayotanepe

- ▶ Maroni ayotanepe, irointi yotanetantsi irashi ashnikape, kempeteiri arori ashaninkati. Yotanetantsika ari iyotanagerori ikantajeitara aparope impoiji oinijanakeriri antami jero kipatsi.
- ▶ Maroni iyotanepe ashaninka, kempeteiri arori, okanta ayotakoyetiri añinkaripe, ari okantakea amitakoyeteri pashinipe atiri. Irotakekea okoantari, ainijayeteri ayotanepe.
- ▶ Apayetantyarori aisati ainijayetantyarori ayotanepe, otimatye omonkarayetya kenkishiriantsipe imonkarayeteri koatsiri irayero ayotanepe.
- ▶ Timatsi ayotanepe iyoyeteri maroni atiripe, akantabake, yotanetantsipe oinijainchari, iyotakoyetakeri atiripe; timatsi aisati yotanetantsipe ayoyetiri ashitari apaniro ashaninkajeitira aparope.

## Antayeteri akoirika ashinetero ayotane, ayotakotakerorika kametsa:



Añabete kametsa ikemantsanteri aisati akemetsatakantyariri maroni.



Ashinetero akoayeteri: maroni komonirape te onkobe ishintsinayetero oshinetantyarori oinijantero oyotanepe.



Ashinetero ayotakotakerorika kametsa: te onkobe amatabitante, aisati iposanentayete.

**ASHINETERO AYOTANE**  
Irointi ainijayero impoiji ashinetero ayoyetiri akantara ashaninkati, betsikayetantyarori paitarikape.

**Ayotakoteri ashinetantyarori ayotanepe:**

## ASHINETERO AYOTANE, AYOTAKOTAKERORIKA KAMETSA:

Irointi ora ashinetero ayoyetiri ainijantyarori atiripe koatsiri iyotakotero ayotiri arori, ikantakota añinkaripe impoiji jaoka akanta abintayeteri.

## ¿Paita okanta kotiri?

**AYOTAKOTAKERORIKA**  
Okantakotiro, tekera ashinetanakeri ayotanepe, otimatye iroinjete kametsa jaoka ikanteterori. kemperi:

- ▶ Paita antayetachaneri ainijakerorika ayotanepe,
- ▶ jaoka ikanteterori,
- ▶ ariorika omantsiyaake,
- ▶ ariorika aantakearo kireki opimantanakearika ayotanepe.

**IKANTETIRI KAMETSA**  
Irointi, ashinetantyarori ayotane otimatye ikantetitya, akenkishiriantyarori ashinetero.

## Antayetachaneri:

- 1 Maroni atiripe koatsiri iyotakotero ayotanepe otimatye yoinijantero ikenkishirijaiteari apatorirentsiki timatsine anampiki.
- 2 Maroni osampiyeteri anampi otimatye akempa kametsa.
- 3 Añabentakotero jaoka okantakotyari impinayete obinero ayotanepe impeterori anampi, okatara obetsikakotanakea ainijayetakeri ayotanepe.
- 4 Ari akanteri apatoirentsiki ariorika ashinetakeri ayotanepe, terika te.
- 5 Ashinetakerorika ayotanepe, acharinkakotero aparoni acta.

**Ojo:** Timatsirika pashinipe ashaninka, akemetara arori, timatsiri iyotanepe, otimatye ainijayeri ayotakotantyarori paita ikenkishirijaiteari jero ikoayeteri.

Amitakotantayetsiri: